

Ruben Croes, contento cu renobacion y ampliacion di hospital ta cuminsa

Despues di 2 aña y mei Aruba a yega na un milestone

Renobacion y ampliacion di hospital ta trece tambe oportunidad pa mehora procesonan den hospital mes

'HOSPITAL Steering Committee' ta consisti di funcionari-
onan di dr. Horacio E. Oduber
Hospital cu ta atende cu mod-
ernisacion di e facilidad medico
na Aruba. Un di e miembronan
di e comite aki ta Sr. Ruben
Croes cu tin masha aña ta tra-
hando na Hospital, specifica-
mente departamento di emer-
gencia, pero na e momentonan
ta integralmente involvi den e
proyecto di renobacion y ampli-
acion di sr. Horacio E. Oduber
Hospital. Sr. Croes tabata pre-
sente na e ceremonia di firma-
mento di contract entre stake-
holdernan di Hospital y esnan
cu ta bay ehecuta e trabounan.
E tabata hopi contento cu porfin
a yega na e punto cu trabounan
pa modernisacion di hospital di
Aruba ta bay cuminsa.

"Nos ta cabando cu nos proyec-
to cu nos a cuminsa dos aña

y mei pasa cu ne," Sr. Croes a
splica y a agrega tambe cu nan a
bay varios trainingnan di conta
manera y planea tipo di proyec-
tonan asina. E ta splica tambe
cu e 'learning curve' ta grandi
debi cu e tipo di proyectonan
aki ta hopi compleho y "nunca
niun di nos a traha un hospital
y e la costa nos hopi tempo pa
compronde unda exactamente
unda nos tin di bay y con nos
mester haci'e, pero awe ta un
dia increibel. Nos a yega na un
'milestone' y porfin nos ta bay
traha nos hospital."

Sr. Croes a sigura cu animo y ex-
pectativa di trahadonan di hos-
pital ta halto awo cu nan ta mira
cu e proyecto di renobacion
y ampliacion di e facilidad cu
nan ta traha aden ta cuminsa.
E miembro di e 'Steering Com-
mittee' cu ta tras di e proyecto
ta enfatisa si cu tin hopi trabou

nan dilanti. Especificamente e
ta menciona e procesonan di
fasering of di mudamento di
cierto departamentonan pa
e trabounan di renobacion y
ampliacion por move efecti-
vamente. Importante den tur
esaki ta cu hospital por sigui
operana e miho manera posibel
y cu e impacto riba e pashent ta
minimo. Pa esaki bay bon, Sr.
Croes ta aplica cu nan plannan
ta cla y awo ta un cuestion ta
pone den practica y ta conta cu
cooperacion di tur esnan cu ta
traha na hospital y pueblo en
general.

"E ta un proceso cu bo mester
echt bay wak den practica con
e ta bay tuma luga," Sr. Croes
ta splica, "nos M.O.B. (Medical
Office Building), ta bira un di e
luganan mas importante den e
proceso di fasering." Tin depar-
tamentonan cu ta bay muda ey

den pa un tempo y djey tin di
bay bek. E M.O.B. ta e toren
nobo cu ta wordo agrega na e
compleho medico dr. Horacio E.
Oduber. Na final e ta destina pa
bira caminda cu specialistanan
ta bay ta ubica y tambe un sala
di emergencia tres biaha mas
grandi cu esun actual y mucho
mas moderno. Pero durante e
proceso di renobacion e M.O.B.
ta bira caminda cu varios di
e departamentonan ta wordo
aloca temporalmente pa duna
chens na e proceso di renoba-
cion. "Nos no tin un otro hospi-
tal, manera hopi otro caminda
na Hulanda nan por mandabo
na un otro hospital. Nos no por
haci esey," Sr. Croes ta aclaria.
Renobacion y ampliacion di
Aruba su facilidad medico ta un
deseo di pueblo for di hopi aña
caba y semper el a keda na dese-
o. Durante periodo di gober-

nacion di Gabinete Mike Eman
I, a cuminsa cu e proyecto y na e
momentonan aki Aruba ta sigur
cu dentro di un periodo di mas
o menos 4 aña, dr. Horacio E.
Oduber Hospital ta un realidad.
Cu e renobacion ta bin tambe e
oportunidad pa como organ-
isacion hospital por incorpora
cambionan den nan procesonan
pa asina duna un miho servicio
na pueblo. Sr. Croes: "Manera
nos director financiero a bisa,
nos ta bezig cu un cantidad di
procesonan pa haci nos hospital
mas miho. Awo no ta tur ora un
edificio nobo ta duna bo esey,
pero ta duna bo e oportunidad
si cu bo por haci yen di cosnan
pa nos bay dilanti."

"Hospital ta di pueblo," Sr.
Croes a enfatisa, "e ta pa pueblo,
nos ta e unico hospital, nos ta
'care' masha hopi mes pa nos
pashentnan."